

## Biografia Badak Peskizador



Naran kompletu António José Castro da Cunha, moris iha Baucau 13 Dezembru 1978. Oan dahuluk husi maun-alin na'in 10, husi Amán naran Domingos da Cunha Guterres no Petronila Castro Ximenes. Antecedente edukasaun formál ba nivel ensinu superior, foti licensiatura iha área *Teknika Industria* iha Universitas Katolik Darma Cendika no Mestradu iha área *Master of Management* konsentrasaun *Strategic of Management* iha Universitas Katolik Widya Mandala, iha Surabaya-Indonesia.

Kareira profesionál hanesan akadémiku hahú iha tinan 2009. nu'udar dosente parte tempu iha Institute Of Business (IOB) Polo Malian. Iha tinan 2010 to'o 2012 hetan fiar nu'udar koordenador IOB polo Baucau. Iha Tinan 2017 to'o 2019 hetan fiar nu'udar Vise-Reitor ne'ebé responsabiliza ba asuntu akadémiku no estudante.

Ba área peskiza, hahú ativa nu'udar peskizadór iha tinan 2016, hanesan koordenador terrenu ne'ebé finansia husi Ministeriu Komérsiu, Indústria no Ambiente ne'ebé husi IOB nia koordenador mak Dr. Augusto da Conceição Soares, SE.MM, ho tópiku “Dezenvolvemintu Empreza Mikro no Ki'ik iha Timor-Leste”. Iha 2017, partisipa ativu iha peskiza ne'ebé organiza rasik husi IOB, ho tópiku “Impaktu Teknologia Informasaun ba Prestasaun Estudante iha Ensinu Superior Timor-Leste”. Iha 2019, partisipa ativu nu'udar koordenador no elaborador prinsipal ba peskiza ne'ebé finansia husi Instituto Ncional Ciência no Tecnologia (INCT) ho tópiku “Impaktu husi transmigrasaun ba prestasaun estudante universitariu iha Dili” no 2021, partisipa ativu nu'udar koordenador no elaborador prinsipal ba peskiza ne'ebé finansia husi INCT ho tópiku “Impaktu Ezistensia Surtu Covid-19 no Implementasaun Serka Sanitaria ba Rendimentu Negosiante sira Empreza Mikro no Ki'ik” Estudu kazu iha Munisipiu Dili, Baucau no Bobonaro.

Iha tinan 2021 ne'e, hetan mós konfiansa husi Fundação Klibur Mata Dalan nu'udar Chief Executive Officer (CEO).